



Služba za saobraćaj, stambeno-komunalne poslove i građenje

OPĆINSKO VIJEĆE ILIJAŠ

**Odgovori na vijećnička pitanja i inicijative sa 45. sjednice Općinskog vijeća Ilijaš
održane dana 29.09.2020.godine**

Ilijaš: Oktobar 2020.godine



ŠEHERZADA ĆOSIĆ – vijećnik SDA

Pitanje 1: "Kada će biti pušten u rad optički signal od strane "BH Telecoma" d.o.o. Sarajevo na prostoru MZ Mrakovo? Obrazloženje: Pompežno i ambiciozno je najavljivana aktivnost dovođenja optičkog kabla za MZ Podlugovi, MZ Mrakovo, MZ Ljubnići i MZ Lješevo od strane "BH Telecoma" Sarajevo. Sa današnjim danom stanje je katastrofalno i neodrživo, jer započeta aktivnost je napuštena i nedovršena, nama iz nepoznatih razloga, iako su predstavnici navedenih mjesnih zajednica na vrijeme upozoravali predstavnike investitora, izvođače radova, nadzorne organe i nadležne u Općini Ilijaš. Predlažemo da općinski načelnik odmah svojom procedurom od investitora, tj. "BH Telecoma" d.o.o. Sarajevo zatraži potpunu informaciju, razloge neizvođenja radova i naknadu za pričinjenu štetu na putnoj i komunalnoj infrastrukturi".

Odgovor: Inicijativa je dostavljena "BH Telekom" d.d. Sarajevo i do slanja materijala nije pristigao odgovor.

Pitanje 2: "U kojoj je fazi rješavanje oštre krivine u naselju Mrakovo? Obrazloženje: Već nekoliko godina gore navedeno pitanje je predmet opservacije organa Savjeta MZ Mrakovo, kao i nadležnih službi u organu uprave Općine Ilijaš. Po našim saznanjima projekat za navedeni predmet postoji, što nije smetnja za dalje postupanje. Molimo općinskog načelnika i nadležne službe da pripreme prijedlog rješenja do kraja 2020. godine".

Odgovor: Inicijativa je dostavljena "Direkciji za puteve Kantona Sarajevo" i do slanja materijala nije pristigao odgovor.

Pitanje 3: "U kojoj je fazi rješavanje nelegalno uspostavljenih azila pasa na prostoru MZ Mrakovo? Obrazloženje: Više puta smo obavještavali i upozoravali nadležne u JLS Ilijaš oko uspostave nelegalnih azila pasa na privatnim parcelama na prostoru MZ Mrakovo. Za sada su uspostavljena dva, gdje aktivnosti istih uznemiravaju građane u neposrednoj blizini istih. Molimo nadležne da pripreme prijedlog rješenja iz navedene oblasti i poduzmu zakonom propisane mjere i pismenim putem obavijeste Savjet MZ Mrakovo".

Pitanje 4: "Kada će nadležni u JLS Ilijaš pristupiti sistemskom rješavanju uklanjanja/zbrinjavanja pasa lutalica na prostoru MZ Mrakovo? Obrazloženje: Više puta smo obavještavali i isticali problem pasa lutalica na prostoru MZ Mrakovo, ali isti problem se nagomilava i isti čine veliku štetu građanima ove mjesne zajednice".

Odgovor na pitanje 3. i 4.: Vaše pitanje koje se odnosilo na isti problem postavljeno na 41. sjednice Općinskog vijeća Ilijaš, održane dana 22.04.2020. godine, komunalni inspektor je dostavio dana: 13.05.2020. godine (Broj: 03/2-19-sl/20) na dalje postupanje Kantonalna uprava za inspekcijske poslove Kantona Sarajevo.

U članu 28. Zakona o zaštiti i dobrobiti životinja ("Službeni glasnik Bosne i Hercegovine" br. 25/09), je definisano (Skloništa za životinje)

(4) Sklonište za životinje osniva fizička ili pravna osoba, jedinica lokalne samouprave, općina, grad, kanton ili entitet.

(5) Nadležno upravno tijelo kantona, grada ili općine izdaje dozvolu za osnivanje skloništa za životinje na temelju uputa koje propisuje nadležno ministarstvo, a na prijedlog Ureda, te vodi upisnik skloništa za životinje.

Pitanje 5: "Kada će se na prostoru MZ Mrakovo izvršiti distribuiranje tj. postavljanje PHD posuda za otpad? Obrazloženje: Prošlogodišnjim i ovogodišnjim Operativnim planom planirano je da se na prostoru MZ Mrakovo distribuiraju tj. postave posuda za otpad, čime bi olakšali procedure i zahtjeve naših građana. Obzirom da nije ništa po navedenom pitanju učinjeno, molim Vas da se ispoštuju dogovorene procedure".

Odgovor: U toku je procedura ažuriranja korisnika, poslije toga će KJKP "RAD" d.o.o. Sarajevo-RJ Ilijaš, izvršiti distribuciju PHD kanti za reciklažni i komunalni otpad, obzirom da su kante nabavljene i nalaze se u njihovom skladištu.

Inicijativa 1: "Da općinski načelnik putem Službe za saobraćaj, stambeno-komunalne poslove i građenje, uputi akt Ministarstvu saobraćaja, tj. Direkciji za puteve Kantona Sarajevo, a u vezi hitnih intervencija na putu Ilijaš - Mrakovo - Salkanov Han – Popovići. Obrazloženje: Obzirom da je navedeni put jako frekventan u pokretu m/v, djece i odraslih

građana, a samim time se ugrožava njihova sigurnost, hitno je potrebno pokrenuti proceduru izgradnje trotoara na istom putu, kao i postaviti ogledala na uralgičnim izlaznim tačkama i izvršiti odvodnju oborinskih/atmosferskih voda, posebno u Salkanovom Hanu i Mrakovu. Više puta smo svojim aktima upozoravali na navedene činjenice, ali bezuspješno. Odgovor: Inicijativa je dostavljena "Direkciji za puteve Kantona Sarajevo" i do slanja materijala nije pristigao odgovor.

Inicijativa 2: "Da se u narednoj budžetskoj godini intenzivno tj. ubrzano provedu zakonom propisane procedure na legalizaciji lokalnog puta Ilijaš - Popovići. Obrazloženje: Na navedenom lokalnom putu po našim saznanjima do današnjeg dana nije izdata upotrebna dozvola i nisu provedene ostale zakonske mjere koje tretiraju navedeni put. Obzirom da se isti maksimalno koristi u saobraćaju u pokretu i mirovanju, postoje ograničenja po zahtjevima građana i organa Savjeta MZ Mrakovo nadležnih policijskih organa u sprovođenju zakonom propisanih mjera. Potrebno je u narednom periodu na istom provesti mjere koje će definisati kategorizaciju i nadležnosti u poduzimanju zakonom propisanih mjera.

Odgovor: Inicijativa je dostavljena "Direkciji za puteve Kantona Sarajevo" i do slanja materijala nije pristigao odgovor.

Inicijativa 3: "Da općinski načelnik putem nadležne službe, a po potrebi i drugim organima, iznađu finansijska sredstva i implementiraju projekat horizontalne i vertikalne signalizacije na lokalnim, javnim putevima na prostoru MZ Mrakovo. Obrazloženje: Više puta smo tražili i ukazivali na navedenu inicijativu. Obzirom da se navedena putna infrastruktura ozbiljno devastira od nepoznatih investitora i ličnih potreba, potrebno je poduzeti i ozbiljnije mjere propisane zakonom koji tretira navedena pitanja, kako bi istu zaštitili".

Odgovor: Raspisan je tender za radove održavanja lokalnih puteva na području općine Ilijaš. Nakon odabira izvođača radova pristupit će se realizaciji ove inicijative. Za pitanja koja su u nadležnosti Direkcije, inicijativa je dostavljena "Direkciji za puteve Kantona Sarajevo" i do slanja materijala nije pristigao odgovor.

MIRZA BEKTIĆ - vijećnik SDA

Inicijativa 1: "Podnosim inicijativu prema Autocestama FBiH da se izvrši prokres pored autoputa sa obje strane ograde u dužini oko 2,50 km, na potezu od naselja Luka do mosta u Podlugovima, a sve radi bolje vidljivosti i sigurnosti pješaka i motornih vozila".

Odgovor: Inicijativa je dostavljena JP "Autoceste FBiH" i predstavnik Autocesta se telefonskim putem obratio Službi i rekao da će poslati pismeni odgovor.

Inicijativa 2: "Pokrećem inicijativu prema nadležnoj općinskoj službi, a u ime stanovnika naselja Kadarići. Obrazloženje:

a) Naime radi se o sledećem. U toku izvođenja radova na potezu od skretanja za Željezaru do granice sa MZ Ljubnići došlo je do oštećenja lokalne ceste na par mjesta u dužini oko 250m. Došlo je do lomljenja ceste, istu treba rekonstruisati. Oštećenja su se desila usled uređenja lijeve obale rijeke Bosne, koje izvodi firma TERMO BETON.

Odgovor: Pokrenut je postupak odabira izvođača radova za saniranje oštećenja na lokalnom putu i bit će planirano u Budžetu za 2021. godinu.

b) Da se ispita nosivost mosta u Kadarićima preko kojeg svakodnevno prolaze kamioni težine preko 20t (tona), kako ne bi ugrozili prelazak preko mosta za stanovnike Kadarića kojima je ovo jedini pristup naselju.

Odgovor: Potpisan je ugovor sa "Institutom za materijale i konstrukcije Građevinskog Fakulteta u Sarajevu" i u toku je procedura ispitivanja nosivosti mosta.

ADEM ALIĆ - vijećnik SDA

Inicijativa: "Pokrećem inicijativu prema nadležnim organima, Direkciji za puteve Kantona Sarajevo, da u blizini OŠ "Stari Ilijaš" Ilijaš, tj. na regionalnom putu Stari Ilijaš - Ilijaš, postavi svjetlosni pokazivač brzine sa radarskim mjerenjem brzine, te pomoćnim displejem namjenjen za obavješćavanje vozača na smanjenje brzine, te da se postavi svjetlosni znak "Djeca na putu". Obrazloženje: Obzirom da je navedeni put jako frekventan, da se u blizini

škole nalazi oštra krivina, te da je velika frekvencija djece i građana, koji prelaze preko navedenog puta. Smatram da se ugrožava sigurnost djece i odraslih građana, te da je hitno potrebno postaviti navedene sigurnosne saobraćajne znakove".

Odgovor: Inicijativa je dostavljena "Direkciji za puteve Kantona Sarajevo" i do slanja materijala nije pristigao odgovor.

AKIF BEŠLIJA – vijećnik SBB

Inicijativa 1: "Pokrećem inicijativu prema nadležnoj općinskoj službi da se izvrši asfaltiranje prekopa u naselju Vratuša kod br. 138. Obrazloženje: Radi se o tome da se vršilo priključivanje nekoliko kuće na kanalizacionu mrežu u naselju Vratuša, pri čemu je izvršeno prekopavanje puta, ali da nije do sada vraćen u prvobitno stanje. Radovi su izvođeni od strane JKP "Vodostan" d.o.o. Ilijaš, otprilike prije 3 mjeseca. Asfalt koji je prekopan vlasnik kuće sa br. 138 je platio, te tražim od nadležne općinske službe da izađe na teren, utvrdi činjenično stanje i naloži izvođačima radova, da sve vrati u prvobitno stanje".

Odgovor: Inicijativa je dostavljena JKP "Vodostan" d.o.o. Ilijaš i do slanja materijala nije pristigao odgovor.

Služba za saobraćaj,
stambeno-komunalne poslove i građenje